



戎政典第二百六十三卷

驛遞部彙考六

皇清二

順治元年

大清會典凡多填馬匹順治元年題准勘合火牌內務填寫官役姓名併照例填馬數目如多填馬匹者降一級調用或應用硃筆乃用墨筆或少填官役姓名者各罰俸六箇月 凡驛夫各站設有夫役以供舁輿擡扛迎遞文書喂養馬匹等事若係經由大路或設一二百名七八十名偏僻小路亦設二三十名各按衝僻多寡不一其夫役工食每名日給銀二三分以至七八分不等俱於驛站錢糧內開銷 凡雇用夫價順治初各站雇覓夫價酌量開銷 凡驛馬順治初各按驛路衝僻額設馬匹或一二百匹七八十四匹以至一二十四匹或驢二三十頭不等其馬匹草料每匹日支銀一錢或八九分俱於驛站錢糧內開銷 凡馬價順治初定除在京會同館遞運所馬匹缺額於口外種馬羣撥給陝西四川驛馬缺額於招中茶馬內撥給外其餘各

直省驛馬倒斃卽動支本驛錢糧通融買補其歷年開銷價值直隸山西山東河南每匹開銷八九兩江南浙江湖廣江西每匹十四五兩雲貴廣東廣西福建每匹二十八兩至三十兩止凡奏銷驛站錢糧順治初題准直省驛站錢糧支銷數目令各該撫於每年終造冊報部查核凡廩給數目順治初定勘合廩給一品官二錢二分二品官二錢三品官一錢八分四品五品官一錢六分六品七品官一錢四分八九品官一錢二分火牌內廩給每分給銀一錢口糧每分給銀五分

順治二年

大清會典國家體恤臣工凡奉使入

覲朝貢進表出征駐防赴任回籍者靡不優給夫馬船車廩糧與夫齎奏往返應付腳力者各有等差順治二年題准凡文武官員奉有

特旨馳驛者夫馬船隻臨時酌填其

恩禮優崇者另行加增夫以八十名馬以十八匹船以二隻爲率一品官額駙公侯伯奉差出京

者以禮回籍給假治喪者內三院各部院及在外加太子太保以上官奉差出京者在外起陞  
赴京者進

表赴任者以禮

予告致仕給假守制者俱給勘合夫六十名馬十六匹水路船二隻近京百里內差夫十八名馬九  
匹廩給一分 除開載外餘事往來俱不准給如在任在差病故者填給勘合水陸照前給夫  
馬船隻外加車一輛無車處准夫十六名自一品至九品俱全 二品官內院大學士各部尚  
書都察院左都御史奉差出京者

欽取起陞赴任者

予告致仕給假守制者鎮守總兵官都督同知以上照二品官例奉  
命起陞赴任者奉調遠行出征者以禮回籍者衍聖公張真人

朝賀及襲封赴京回籍者俱給勘合夫五十名馬十五匹水路船二隻近京百里內差照前一品例  
支給內總兵等官有軍器酌量撥車衍聖公張真人帶掌事加驢一頭口糧一分法師加馬一

四廩給一分如差官往還止給馬三匹廩給不支 三品官各部侍郎內院學士翰林院學士都察院副都御史通政司通政使大理寺卿府尹太常寺光祿寺太僕寺卿國子監祭酒僉都御史以四品照三品例翰林院編修檢討內見充經筵日講及先任講官不拘五六七品俱照三品例奉差出京者在外起陞赴任者以禮

予告致仕者給假守制者鑾儀衛加授提督官不論加授品級亦照三品例奉差出京者以禮予告致仕給假回籍者鎮守總兵官署都督僉事以上二品照三品例奉

命起陞赴任者奉調遠行出征者以禮回籍者俱給勘合夫四十名馬十四匹水路船一隻有詔勅加馬二匹近京百里內差夫十六名馬八匹廩給一分內總兵等官有軍器酌量撥車 四品官左右通政大理寺太常寺太僕寺少卿鴻臚寺卿府丞奉差出京者進

表赴任來京者給假守制者布政使以二品照四品例奉

命起陞赴任者

朝覲進表來京者以禮致仕守制者俱給勘合夫三十名馬十二匹水路船一隻有

詔勅加馬二匹近京百里內差夫十四名馬七匹廩給一分 五品官內院侍讀學士翰林院侍讀學士侍講學士通政司叅議大理寺寺丞光祿寺少卿尙寶司卿少卿各部郎中員外郎奉差出京及給假守制者俱給勘合夫二十六名馬十四匹水路船一隻有

詔勅節冊及典試加馬二匹夫四名近京百里內差無應付 六品官內院侍讀翰林院侍讀侍講修撰國子監司業尙寶司司丞太僕寺寺丞各部主事大理寺寺正寺副光祿寺寺丞奉差出京者給假守制者俱給勘合夫二十二名馬八匹水路船一隻有

詔勅節冊及典試加馬二匹夫四名近京百里內差無應付 七品官翰林院編修檢討六科給事中監察御史大理寺評事中書行人太常寺博士奉差出京者給假回籍及守制者布政司叅政叅議按察司按察使副使僉事照七品例奉差及赴任者進

表代覲來京者行太僕寺苑馬寺卿鹽運司運使同知不拘三四五品俱照七品例在京領勅赴任者進

表代覲來京者奉調監軍督糧者在任按行所部者併解緊急錢糧馬匹進京者實授都司僉書副

將叅將遊擊不論加至一二三品都督等銜俱照七品例進

表來京併在京領

勅赴任奉調隔省征勦者俱給勘合夫二十名馬四匹驢二頭水路船一隻有

詔勅節冊及典試巡方加馬二匹夫四名近京百里內差無應付 八品官翰林院典簿國子監監

丞博士助教典簿各部院衙門經歷照磨知事都事太僕寺主簿鴻臚寺少卿欽天監監正監

副俱照八品例奉差出京者五經博士

朝賀來京仍照七品應付鑾儀衛指揮千百戶不論品級俱照八品例奉

旨勘事及別項題差出京者直省府同知通判推官知州知縣鹽運司副使判官不拘品級俱照八

品例奉調監軍督餉隨征者初選雲貴川陝行都司地方之都司守備領

勅由京赴任者奉調隔省征勦者俱給勘合夫十六名馬三匹驢二頭水路船一隻有

詔勅加馬一匹近京百里內差無應付 九品官各部院衙門司務翰林院待詔孔目國子監學正

學錄太常寺鴻臚寺寺丞主簿鳴贊序班太常寺典簿奉祀太醫院院使院判御醫吏目上林

院監監丞署丞光祿寺署正典簿署丞欽天監五官正等官主簿博士俱照九品例奉差出京者俱給勘合夫十二名馬二匹驢二頭水路船一隻有

詔勅加馬一匹近京百里內差無應付 凡應付進表應聘官員順治二年題准在外三司首領官代進

表箋及府佐教職等官應聘隔省考試者俱准應付夫十名馬四匹 凡解京錢糧順治二年題准在外各官解緊急錢糧進京者給勘合夫八名馬二匹廩給不支 凡應付初授雲貴等省官員順治二年題准初授雲南貴州及四川陝西行都司地方司府衛首領教職州縣佐貳首領及雜職等官俱給勘合係七品者給馬二匹驢二頭八九品及未入流者馬一匹驢一頭水路船一隻廩給不支如係陞授補選非初選者不准 凡應付雲貴舉貢順治二年題准雲貴會試舉人

廷試貢生俱給火牌每名馬一匹驢一頭廩糧俱不支回日俱准換給 凡奏繳郵符順治二年題准直省督撫每年將頒發過勘合火牌造具清冊年終奏繳到日分送部科查明有無違例據

實題叅 廩給順治二年議准驛地廩給每分支銀一錢口糧每分支銀五分

順治四年

大清會典廩給順治四年令差往千里以外者給糧單計程十日以外者給銀兩十日以內者不准支給 又覆准頒

詔官水陸路程俱填給糧單

順治五年

大清會典廩給順治五年題准內府遣視牧羣及往山海關外送馬取馬官員給與銀米若往張家口外者止給銀不給米若近地送馬取馬者止給草一束不給銀米

順治七年

大清會典順治七年題減應付則例 一品官給夫三十六名馬十二匹水路船一隻近京四百里

內差夫十八名馬八匹 二品官給夫三十名馬十匹水路船一隻近京四百里內差夫十六名馬六匹衍聖公張真人如有差官往回者止給馬二匹 三品官給夫二十四名馬八匹水

路船一隻有

詔勅加馬二匹近京四百里內差夫十名馬四匹 四品官給夫二十名馬六匹水路船一隻近京四百里內差夫八名馬二匹 五品官給夫十八名馬四匹水路船一隻 六品官給夫十六名馬三匹水路船一隻 七品官給夫十六名馬二匹水路船一隻 八品官給夫八名馬二匹水路船一隻 九品官給夫八名馬一匹驢一頭水路船一隻 以上各官水陸二路不兼支廩給俱不支如在任在差病故者水路加船一隻陸路加車一輛無車處准夫一品給二十四名二品給二十名三品以下俱給十六名九品病故察係正途出身者方給 凡應付進表應聘官員順治七年題准進

表應聘各官減夫二名馬二匹 凡應付初授雲貴等省官員順治七年題准俱給火牌係七品者馬一匹驢一頭八九品及未入流者馬一匹水路各船一隻 凡應付雲貴舉貢順治七年題准裁驢一頭 凡私發牌票順治七年覆准直省齎奏人員俱要部發火牌驗明方准應付如有自發紙牌索取夫馬者不准違者部科糾參與受一體治罪 廩給順治七年題准領

勅公差滿漢官員照例於勘合內填入廩給沿途應付不許分外多索驛遞亦不許例外應付違者不准開銷仍行治罪至滿洲奉差官員每有自備馬匹不用驛遞夫馬者不便填給勘合戶部另刊堂牌酌定一品官日支廩給銀二錢二品官日支廩給銀一錢六分三品官日支廩給銀一錢二分四品官日支廩給銀八分五品官日支廩給銀六分六品以下官日支廩給銀四分每日各給粳米一升兵丁從役每名日給粟米一升馬匹草料酌量支給

順治八年

大清會典廩給順治八年題准奉差滿漢官員照兵部勘合應付驛夫戶部糧單支給口糧豆草如無糧單止給驛遞廩給

順治九年

大清會典順治九年題減應付則例 一品官給夫三十名馬十四匹近京四百里內差夫十六名馬六匹 二品官給夫二十六名馬八匹近京四百里內差夫十四名馬五匹 三品官給夫二十二名馬八匹近京四百里內差夫八名馬三四 四品以下官仍如前例如在任在差病故

者陸路加車一輛無車處准夫一品給二十二名二品以下給十六名

順治十年

大清會典凡奏銷驛站錢糧順治十年覆准直省驛站錢糧責成驛傳道令各州縣按季造冊呈送該道轉繳督撫核實具題到部分別考成至各驛衝僻不同宜通融協濟及期完解仍將完欠數目填冊以憑考核

順治十一年

大清會典順治十一年覆准裁減應付則例 一品官給夫二十六名馬八匹水路船一隻近京四百里內差夫十四名馬五匹如在任在差病故者水路加船一隻陸路加車一輛無車處准夫十八名 二品官給夫二十二名馬七匹水路船一隻近京四百里內差夫八名馬二匹 三品官給夫二十名馬六匹水路船一隻近京四百里內差夫六名馬二匹 四品官給夫十八名馬四匹水路船一隻近京四百里內差夫六名馬二匹 五品官給夫十六名馬三匹水路船一隻 六品官給夫十二名馬二匹水路船一隻 七品官給夫十名馬二匹水路船一隻

餘俱如前例 廩給順治十一年覆准戶部例設糧單部牌二項凡出征官兵填給糧單自總兵至于把總等照品填給廩給食米兵丁填給鹽菜食米馬騾填給草料公差滿漢官員填給部牌按品支付廩給其口糧草料酌量程途支給 凡廩給數目順治十一年議准勘合廩給各減二分火牌止給口糧廩給裁革 凡隨獵馬匹順治年間定隨獵官員領騎驛馬有倒斃者照分數議處十分內倒失三分以上者罰俸一年六分以上者降一級調用八分以上者革職如將馬匹私賣私給併缺馬仍支草料者革職提問

順治十二年

大清會典凡駐防准帶馬匹順治十二年題准駐防將軍馬四十匹副都統三十四匹協領二十四匹叅領佐領閒散官各十五匹驍騎校有品筆帖式各八匹無品筆帖式撥什庫甲兵各三匹弓匠鐵匠等各二匹沿途支給草料 凡應付出征駐防夫船順治十二年覆准大兵進征及駐防官兵家口由水路前往俱用戶部回空漕船其餘各項所需船隻兵部給發 凡應付陣亡官員順治十二年題准內外文武官員隨征陣亡者俱給勘合文職七品以上武職四品以上陸

路給夫十六名馬四匹文職八品以下武職五品以下陸路給夫十二名馬二匹水路俱給船一隻 凡私發牌票順治十二年覆准督撫濫用私牌及徇庇屬員不叅者本部與科道訪實糾叅議處州縣驛官將私牌申報者本官卽與紀錄 廩給順治十二年覆准兵船水夫每名日給米八合三勺 凡差役背包順治十二年覆准齎奏文冊背包以四十觔爲率如有夾帶私物者該地方官驗實申報究處

順治十三年

大清會典凡應付奉差官員馬匹順治十三年題准官員奉差者一品官從役七名馬十匹二品官從役六名馬八匹三品官從役五名馬七匹四品官從役四名馬六匹五六品官從役三名馬五匹七八品官從役二名馬三匹烏林大通事撥什庫從役一名馬二匹甲兵馬一匹

順治十四年

大清會典各省水驛各按衝僻設船五隻至二十隻不等每船量設水夫其船隻有因毀廢修補者有因閒冗裁汰者歷年增減不一 江西原設馬座差等船七十七隻順治十四年造紅船三

百五十七隻

廣西設差船五十五隻

四川設船一百八隻

廩給順治十四年題准差往

牧羣及送馬取馬官役停給食米每路程十日頭等官給銀三兩二等官給銀二兩五錢三等官給銀二兩四等官給銀一兩五錢五等官給銀一兩六等官并阿敦大給銀八錢七等官并阿敦人給銀五錢如二十日加一倍三十日加二倍過一月者計日支給又題准駐防及公幹官兵該衙門開送限期到部十五日以內者不准支給十五日以外者每宿准給口糧草束若路遠定限養馬處所添給草束豆料至往來盛京等處者自通州至山海關自山海關至盛京俱准給米馬匹自十月至三月每宿給料二升草一束四月至九月不給料草

順治十五年

大清會典凡車輛直隸通州永平河間等處俱有額設車價銀兩多寡不一其餘州縣未經額設遇有差使雇覓應付仍將應付過數目申詳該撫報明兵部查核轉咨戶部撥給至各省應付車輛價值卽於本驛錢糧內開銷凡雇用車價順治初酌量雇覓未有定價順治十五年議准每輛大站給銀一兩小站給銀七錢凡出征應帶馬數順治十五年題准親王馬四百匹郡

王三百匹貝勒二百匹貝子一百五十匹鎮國公一百匹輔國公八十匹未入八分鎮國公七  
十四匹輔國公六十四匹將軍八十四匹副將軍七十四匹護軍統領前鋒統領副都統各六十四匹署護  
軍統領署前鋒統領署副都統各四十四匹前鋒叅領護軍叅領驍騎叅領署護軍叅領署驍騎  
叅領一等侍衛護衛三十五匹閒散官前鋒侍衛二等侍衛護衛各二十五匹委署官三等侍  
衛護衛各十八匹護軍校驍騎校等各十二匹署護軍校署驍騎校等各八匹護軍撥什庫各  
六匹甲兵各四匹內院學士與副都統同侍讀學士與叅領同侍讀與閒散官同六品筆帖式  
與驍騎校同 凡枉道處分順治十五年題准公務差遣江南浙江福建江西廣東等省由山  
東路湖廣廣西雲南貴川等省由河南路俱於勘合火牌內填註明白 廩給順治十五年議  
准貴州投誠兵民願回籍歸農者沿途每名日給口糧一升

順治十六年

大清會典凡值更夫馬順治十六年題准八旗額定值更人夫二十名隨

駕行幸每名月給銀三兩

古今圖書集成  
順治十七年

大清會典凡雇用夫價順治十七年覆准過往官兵需用夫役雇夫一千名以內者除驛夫外每名給銀一錢五分一千名以外者每名給銀三錢 凡應付故官在京一品至九品在外文職道員以上武選遊擊以上俱給勘合照生前應用夫馬外陸路加車一輛無車處照品折給人夫水路加船一隻 凡應付遠省故官順治十七年題准廣西省文官八品以下武官五品以下在任病故者俱給勘合陸路夫十二名馬二匹水路船一隻 廩給順治十七年題准外藩公主額駙朝覲時每日給玉湯粳米三升王以下郡主縣主額駙公台吉以上各日支粳米三升其從官喇嘛各日支上白米二升閒散人役班第等各日支糲白米一升其自盛京寧古塔江寧西安等處來京官員各日支上白米二升撥什庫甲兵及一應頭目各日支糲白米一升從役日支老米一升永爲定例

順治十八年

大清會典凡駐防准帶馬匹順治十八年議准駐防京口杭州叅領准馬二十四 凡應付駐防車